



## FLETUDHËZUES I PAKETIMIT: Informacion për pacientin

# AVACYN

## Tableta të veshura me film – 400 mg (Moksifloksacin klorhidrat)

### Lexojeni me kujdes këtë fletudhëzues përpara se të filloni përdorimin e barit.

- Ruajeni këtë fletudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përkshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efektëve anësorë përkëqësohet ose në qoftë se vëreni ndonjë efekt tjetër anësor që nuk përmendet në këtë fletudhëzues, ju lutemi të njoftoni mjekun ose farmacistin tuaj.

### Në këtë fletudhëzues:

- Çfarë është Avacy*n* dhe përse përdoret
- Përpara se të merrni Avacy*n*
- Si ta merrni Avacy*n*
- Efekte anësore të mundshme
- Si ta ruani Avacy*n*
- Informacion i mëtejshëm

### 1. ÇFARË ËSHTË AVACYN DHE PËRSE PËRDORET

Avacy*n* përmban lëndën aktive moksifloksacin klorhidrat, e cila bën pjesë në grupin e antibiotikëve të quajtur fluorokinolone. Avacy*n* e ushtron efektin duke vrarë bakteret që e shkaktojnë infeksinin. Ajo përdoret në pacientët me moshë 18 vjeç ose më të rritur për trajtimin e infeksioneve bakteriale të mëposhtme të shkaktuara nga bakterë që janë të ndjeshme ndaj moksifloksacinës.

Avacy*n* përdoret për trajtimin e infeksioneve bakteriale të mëposhtme, kur antibiotikët e zakonshëm nuk mund të përdoren ose nuk kanë dhënë efekt:

- infeksione të sinuseve (sinuzit bakterial akut);
- përkeqësimit akut i bronkitit kronik;
- pneumoni të marra në komunitet jashtë spitalit (përveç rasteve të rënda);
- infeksione të lehta ose mesatare të traktit të sipërm gjental tek femrat (sëmundje inflamatore të pelvisit), përfshirë infeksione të tubave të Fallopit dhe infeksione të membranës mukoze të mitrës; tabletat e veshura me film Avacy*n* nuk janë të mjaftueshme për trajtimin e këtyre infeksioneve, kështu që një antibiotik tjetër shtesë duhet të përkshruhet nga mjeku juaj për trajtimin e antibiotikëve të traktit të sipërm gjental tek femrat.

Tabletat e veshura me film Avacy*n* mund të përdoren për të plotësuar një cikël trajtimi në pacientët të cilët kanë treguar përmirësime gjatë trajtimit fillestar me moksifloksacin intravenozë për indikimet e mëposhtme:

- infeksione të komplikuara të lëkurës dhe të strukturave të saj;
- pneumoni të marra në komunitet.

Për çdo lloj infeksioni të lëkurës apo indeve të buta, ose në infeksionet e rënda të mushkërive, tabletat Avacy*n* nuk duhen përdorur për të filluar trajtimin.

Mjeku juaj mund ta ketë dhënë Avacy*n* për një qëllim tjetër. Pyesni mjekun tuaj në qoftë se doni të dini pse ju është dhënë Avacy*n*.

### 2. PËRPARA SE TË MERRNI AVACYN

#### Mos merrni Avacy*n* në qoftë se ju:

- vuani nga mbindjeshmëria ndaj moksifloksacin klorhidratit, kinoloneve të tjerë ose ndaj ndonjë prej lëndëve ndihmëse të tabletës;
- jeni shtatzënë ose duke ushqyer fëmijën me gj;
- jeni nën moshën 18 vjeç;
- keni një histori sëmundjeje / çrregullimi të tendinit të shkaktuar nga trajtimi me kinolone;
- keni lindur me ose keni patur: ndonjë gjendje që shkakton ritëm jonormal të zemrës (që konstatohet në EKG), disbalancë kripërash në gjak (nivele të ulta të kaliumit dhe magnezit në gjak); ritëm shumë të ngadaltë të zemrës (bradikardi); pamjaftueshmëri të funksionit të zemrës; një histori ritmi jonormal të zemrës; ose keni duke marrë barna të tjera që zgjasin intervalin QT;
- keni një sëmundje të rëndë të mëlçisë ose një nivel transaminazash 5 herë më të lartë se kufiri i sipërm normal.

#### Tregoni kujdes të veçantë me Avacy*n*

Nuk duhet të merrni antibakteriale të grupit të fluorokinoloneve / kinoloneve, përfshirë Avacy*n*, nëse ju ka ndodhur më parë ndonjë efekt anësor serioz pas marrjes së tyre. Në një situatë të tillë, informoni mjekun sa më parë.

- Avacy*n* mund të ndryshojë EKG e zemrës suaj në mënyrë të veçantë nëse jeni femër ose i/e moshuar. Nëse aktualisht jeni duke marrë ndonjë **bar që ul nivelin e kaliumit në gjak**, konsultohuni me mjekun para se të merrni Avacy*n*.
- Nëse vuani nga **epilepsia** ose ndonjë gjendje që ju shakton konvulsione, flisni me mjekun përpara se të merrni Avacy*n*.
- Nëse keni ose keni patur ndonjëherë **probleme të sistemit nervor**, këshillohuni me mjekun përpara se të merrni Avacy*n*.
- Nëse vuani nga **miaestenia gravis** përdorimi i Avacy*n* mund të përkeqësojë simptomat e sëmundjes. Nëse mendoni se jeni prekur konsultohuni menjëherë me mjekun.
- Nëse ju ose ndonjë prej pjesëtarëve të familjes suaj ka **pamjaftueshmëri të glukozës 6-fosfat dehidrogenazës** (në sëmundje e rallë e trashëgueshme), informoni mjekun tuaj, i cili do t'ju këshillojë nëse Avacy*n* është e përshtatshme për ju.
- Nëse jeni femër dhe keni një infeksion të komplikuar të rugëve të sipërme urinare (p.sh. të shoqëruar me një absces të tubave të Fallopit dhe vezoreve ose të pelvisit), për të cilin mjeku juaj mendon se një trajtim me rugë intravenoze është i nevojshëm, trajtimi me tabletat e veshura me film Avacy*n* nuk është i përshtatshëm.
- Për trajtimin e infeksioneve të lehta ose të moderuara të traktit të sipërm urinar tek femrat mjeku juaj do t'ju përkshruajë një antibiotik tjetër shtesë përveç Avacy*n*. Nëse nuk keni përmirësim të simptomave pas 3 ditësh, ju lutemi të këshilloheni me mjekun.

Flisni me mjekun gjithashtu përpara se të merrni Avacy*n*:

- nëse jeni diagnostikuar me zmadhim ose "fryrje" të një ene të madhe gjaku (aneurizëm i aortës ose aneurizëm periferik i një ene të madhe);
- nëse ju ka ndodhur më parë episod i çarjes së aortës (çarje në murin e saj);
- nëse keni histori familjare të aneurizmit të aortës apo çarjes së saj ose faktorë të tjerë rrishtu apo situata predispozuese (p.sh. çrregullime të indit lidhor si sindroma Marfan, ose sindroma vaskulare Ehlers-Danlos, ose gregume vaskulare si arterit Takayasu, arterit me qeliza gjigande, sëmundjen Behçet, presion të lartë gjaku ose ateroskleroza të njohur);
- nëse jeni diabetik, sepse kur merrni moksifloksacin mund të keni ndryshim të nivelit të sheqerit në gjak;
- nëse keni patur më parë skuqeje të rëndë të lëkurës ose rrjepje të lëkurës, fluska dhe/ose plagë në gojë pas marrjes së moksifloksacinës.

Në qoftë se ndjeni dhimbje të fortë, të papritur, në abdomen, krahavor apo shpinë, drejtohuni menjëherë në urgjencë.

#### Kur përdorni Avacy*n*:

- nëse përjetoni **palpitacione ose rrahje të çrregullta të zemrës** gjatë periudhës që merrni barin, ju duhet të informoni mjekun menjëherë; ai/ajo duhet të bëjë një EKG që të masë ritmin tuaj të zemrës;
- rezikuri për probleme të zemrës** mund të rritet me ritjen e dozës, kështu që duhet të ndiqet doza e rekomanduar;
- mund të ketë raste shumë të ralla kur ju mund të përjetoni **një reaksion të rëndë dhe të papritur alergjik** (një reaksion/shok anafialtik) që me dozën e parë, me simptomat që mund të përfshijnë: shtërngime në krahavor, marrje mendsh, ndjesinë e të qenit sëmurë ose të fikët ose përjetim të fikti kur jeni në

këmbë (hipotension ortostatik); nëse kjo gjë ndodh, trajtimi me Avacy*n* tableta të veshura me film, duhet të ndërpritet menjëherë;

- Avacy*n* mund të **shkaktojë një inflamacion të shpejtë dhe të rëndë të mëlçisë** i cili mund të çojë deri në pamjaftueshmëri të funksionit të mëlçisë kërcënuese për jetën; ju lutemi të kontaktoni mjekun përpara se të vazhdoni trajtimin nëse papritur filloni që të mos ndiheni mirë ose vini re zverdhje të të bardhës së syrit, urinë të errët, kruarje në lëkurë, një tendencë për gjakrrjedhje ose sëmundje të trurit që shkaktohet nga mëlçia (shfaqen simptoma të funksionit të reduktuar të mëlçisë ose inflamacion i shpejtë dhe i rëndë i saj);
- antibiotikët e grupit të kinoloneve, përfshirë Avacy*n*, mund të shkaktojnë **konvulsione**; nëse kjo ndodh, trajtimi me Avacy*n* duhet të ndërpritet;
- mund të përjetoni rallë **simptoma të dëmtimit të nervave (neuropati)** si dhimbje, djegie, mpirje dhe / ose pafuqi kryesisht në shpatat e këmbëve dhe përgjatë këmbëve ose duarve dhe kraheve; nëse kjo ndodh, ndërprini trajtimin me Avacy*n* dhe informoni menjëherë mjekun tuaj për të parandaluar zhvillimin e një gjendjeje të parikthyeshme;
- mund të keni **probleme të shëndetit mendor** edhe kur merrni antibiotikët kinolinikë përfshirë Avacy*n*, për herë të parë; në raste shumë të ralla, depresioni ose problemet e shëndetit mendor kanë çuar në mendime për vetëvrasje dhe sjellje që shkaktojnë dëmtime të vetvetes si përpjekja për tu vetëvraur; nëse ju përjetoni reaksione të tilla, trajtimi me moksifloksacin duhet të ndërpritet;
- mund t'ju shfaqet **diarre** ndërkohë që merrni ose pasi keni marrë antibiotikë, përfshirë Avacy*n*; nëse kjo gjendje bëhet e rëndë ose e vazhdueshme, ose nëse ju vini re që keni gjak ose mukus në feçe, duhet të ndaloni përdorimin e Avacy*n* menjëherë dhe të konsultoheni me mjekun tuaj; në këtë raste nuk duhet të merrni barna që ndalojnë ose ngadalësojnë lëvizjen e zorrëve;
- Avacy*n* mund të shkaktojë rallë **dhimbje dhe enjtje të kyçeve dhe inflamacion ose këputje të tendineve**; risku është më i lartë nëse jeni i moshuar (mbi 60 vjeç), keni marrë ndonjë organ me transplant, keni probleme me veshkat ose nëse po trajtoheni me kortikosteroidë; inflamacioni dhe këputja të tendineve mund të ndodhin brenda 48 orëve pas fillimit të trajtimit dhe deri në disa muaj pas ndërprerjes së trajtimit; në shenjë të parë të ndonjë dhimbjeje ose inflamacioni të tendinit (p.sh. në thembër, kyçin e dorës, bërryl, shpatull ose gju), ndërprini përdorimin e Avacy*n*, lini në qetësi gjymtyrën/(ë) e prekur(a) dhe këshillohuni menjëherë me mjekun; shmangni çdo ushtrim të panevojshëm sepse kjo mund të rrisë riskun për një rakturë të tendinit;
- nëse ju jeni i moshuar me **probleme ekzistuese të veshkave**, bëni kujdes që marrja e lëngjeve të jetë e mjaftueshme sepse dehidratimi mund të rrisë riskun për pamjaftueshmëri të funksionit renal;
- nëse ju dëmtohet shikimi** ose nëse sytë tuaj duket që janë prekur, konsultohuni menjëherë me një okulist;
- antibiotikët e grupit të fluorokinoloneve mund të shkaktojnë rritje të nivelit të sheqerit në gjak mbi nivelin normal (hiperglicemi), ose ulje të nivelit të sheqerit në gjak nën nivelin normal (hipoglicemi), gjendje e cila, në raste të rënda, mund të shkaktojë humbje të vetëdijes (komë hipoglikemike) (shih pikën 4. Efektet anësore të mundshme). Në qoftë se vuani nga diabeti, niveli i sheqerit duhet të monitorohet me kujdes;
- antibiotikët kinolinikë mund ta bëjnë **lëkurën** tuaj më të ndjeshme ndaj **dritës së diellit** ose **dritës UV**; duhet të shmangni ekspozimin e gjatë ndaj dritës së diellit, ose dritës së fortë të diellit dhe nuk duhet të përdorni shtrat solar ose lampaa të tjera UV ndërkohë që përdorni Avacy*n*;
- ka një përvojë të temperaturave të përdorimit e moksifloksacinës nga goja / intravenozë në mënyrë të vazhdueshme për trajtimin e infeksioneve të mushkërive (pneumonie) të marra jashtë spitalit.

Efikasiteti i moksifloksacinës në trajtimin e djegieve të rënda, infeksioneve të indeve të thella ose këmbës diabetike me osteomielit (infeksione të palcës së kockës) nuk është përcaktuar.

#### Reaksione serioze të lëkurës

Reaksione serioze të lëkurës duke përfshirë sindromën Stevens-Johnson, nekrolizën toksike epidermale dhe pustulozën ekzantematозe të gjeneralizuar akute janë raportuar me përdorimin e moksifloksacinës.

- Sindroma Stevens-Johnson ose nekroliza toksike epidermale mund të shfaqen fillimisht si njolla të kuqërremta ose njolla rrethore shpesh me fluska në mes. Gjithashtu, mund të shfaqen ulcerat e gërrës, fytit, hundës, organeve gjentale dhe syve (sy të skuqur dhe të enjtur). Këto skuqe serioze të lëkurës shpesh paraprihen nga ethe dhe/ose simptoma të ngjashme me gripin. Rashi i lëkurës mund të përkeqësohet në rrjepje të përhapura të lëkurës, të cilat mund të kenë komplikacione kërcënuese për jetën ose të jenë fatale.
- Pustuloza ekzantematозe e gjeneralizuar akute shfaqet në fillim të trajtimit si një skuqe e lëkurës, me luspë, e përhapur, me gjendra nën lëkurë dhe fluska të shoqëruara të temperaturave të përdorimit e moksifloksacinës nga goja / lokalizuar në palosjet e lëkurës, trup dhe ekstremitetet e sipërm.

Nës qoftë se ju shfaqet skuqe e rëndë e lëkurës ose simptoma të tjera të përmendura më lart, ndaloni marrjen e moksifloksacinës dhe kontaktoni mjekun tuaj ose kërkoni menjëherë kujdes mjekësor.

#### Efekte anësore serioze, të zgjatura, gjymtuese dhe potencialisht të pakthyeshme

Antibakterialet e grupit të fluorokinoloneve / kinoloneve, përfshirë moksifloksacinën, janë shoqëruar me efekte anësore shumë të ralla, por serioze, gjymtuese, disa prej të cilëve të zgjatur në kohë (kanë vazhduar muaj ose vite), ose potencialisht të pakthyeshme. Këtu përfshihen: dhimbje e tendineve, muskujve dhe kyçeve të gjymtyrëve të sipërme dhe të poshtme, vështirësi në ecje, ndjesi jonormale si ndjesi shpimi gji përash, therje, gудulisje, mpirje ose djegie (parestezi), çrregullime të shqisave përfshirë dëmtimin e pamjes, shijes, nuahtjes, dëgjimit, depresion, dëmtime të kujtesës, këputje e theksuar dhe çrregullime të rënda të gjumit.

Nëse ju shfaqet ndonjë nga këto efekte pas marrjes së Avacy*n*, njoftoni menjëherë mjekun përpara se të vazhdoni trajtimin. Bashkë me të do të vendosni mbi vazhdimësinë e trajtimit, duke marrë në konsideratë edhe antibiotikë nga klasa të tjera.

#### Fëmijët dhe adoleshentët

Ky bar nuk duhet të administrohet tek fëmijët dhe adoleshentët nën moshën 18 vjeç, sepse efikasiteti dhe siguria nuk janë përcaktuar për këtë grupmoshë.

#### Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Avacy*n*. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Avacy*n* në qoftë se ju jepet ndonjë bar tjetër gjatë trajtimit.

Nëse jeni duke përdorur Avacy*n* dhe barna të tjera që ndikojnë në zemrën tuaj, ka një rrezik të shtuar për ndryshimin e ritmit të zemrës, kështu që mos e përdorni Avacy*n* njëkohësisht me:

- barna që bëjnë pjesë në grupin e anti-aritmikëve (p.sh. kinidinë, hidrokinidinë, disopiramid, amiodaron, sotatol, dofetilid, ibutilid);
- antipsikotikë (p.sh. fenotiazina, pimozid, serfinidol, haloperidol, sulptoprid);
- antidepresivë trciklikë;
- disa anestetikë (p.sh. sakuinavir, sparfloksacin, eritromicinë intravenoze, pentamidinë, antimalarikë kryesisht halofantrinë);
- disa antihistaminikë (p.sh. terfenadinë, astemizol, mizolastinë);
- disa barna të tjera (p.sh. cisaprid, vinkamicinë intravenoze, bepridil dhe difemanil).

Duhet të informoni mjekun tuaj nëse jeni duke marrë barna të tjera që mund të ulin nivelin e kaliumit në gjak (p.sh. disa diuretikë, disa laksativë dhe klizma (doza të mëdha) ose kortikosteroidë (barna anti-inflamatorë), amfotericinën B ose që shkaktojnë ulje të të rrahurave të zemrës sepse mund të rrisin gjithashtu rrezikun për çrregullime serioze të të rrahurave të zemrës ndërkohë që përdoret Avacy*n*.

Çdo bar që përmban magnez dhe alumini (si p.sh. antiacidë për mostretje), hekur, zink ose didanozinë ose çdo bar që përmban sukralfat (për të trajtuar çrregullime të stomakut) mund të reduktojë efektin e tabletave të veshura me film Avacy*n*. Merrni tabletat Avacy*n* 6 orë para ose pas marrjes së barnave të tjera.

Marrja e një bari që përmban karbon aktiv në të njëjtën kohë me tabletat Avacy*n* redukton vepimin e Avacy*n*. Rekomandohet që këto barna të mos përdoren në të njëjtën kohë.

Nëse jeni duke marrë antikoagulantë oralë (p.sh. varfarinë), mjeku duhet t'ju monitorojë kohën e koagullimit të gjakut.

#### Marrja e Avacy*n* me ushqim dhe piJe

Efekt*i* i Avacy*n* nuk ndikohet nga ushqimi, përfshirë produktet e bulmetit.

#### Shtatzënia dhe ushqyerja me gj

Mos e përdorni Avacy*n* nëse jeni shtatzënë ose po ushqeni fëmijën me gj. Nëse ju jeni shtatzënë ose po ushqeni fëmijën me gj, mendoni që mund të jeni shtatzënë ose po planifikoni që të keni një fëmijë, pyesni mjekun ose farmacistin tuaj për këshillë përpara se të filloni përdorimin e këtij bari. Studimet në kafshë nuk tregojnë që fertiliteti juaj do të dëmtohet nga përdorimi i këtij bari.

#### Drejtimi i automjetit dhe përdorimi i makinerive

Avacy*n* mund t'ju shkaktojë marrje mendsh dhe mund të përjetoni një humbje të papritur dhe të përkohshme të shikimit, ose mund t'ju bjerë të fikët për një periudhë të shkurtër. Nëse jeni të prekur në këtë mënyrë, mos drejtoni automjetin dhe mos përdorni makineri.

#### Informacione të rëndësishme mbi disa nga lëndëet ndihmëse të Avacy*n*

Tabletat e veshura me film Avacy*n* përmbajnë laktozë. Nëse ju është thënë nga mjeku juaj që keni intolerancë nga disa sheqerna, kontaktoni me mjekun tuaj përpara se të merrni këtë bar.

Tabletat e veshura me film Avacy*n* përmbajnë më pak se 1 mmol natriumi (23 mg) për çdo tabletë, që do të thotë se nuk përmban natrium.

#### 3. SI TA MERRNI AVACYN

Gjithmonë merrni këtë bar në mënyrë ekzakte siç ju thotë mjeku ose farmacisti juaj. Kontrolloni me mjekun ose farmacistin nëse nuk jeni i sigurt.

#### Doza e rekomanduar për të rriturit është 1 tabletë e veshur me film 400 mg një herë në ditë.

Avacy*n* tablete e veshur me film është për përdorim nga goja. Gëlliteni tabletën të plotë dhe me shumë lëng.

Mund ta merrni Avacy*n* me ose pa ushqim. Mundohuni që ta merrni tabletën në të njëjtën orë çdo ditë.

E njëjta dozë mund të merret nga të moshuarit, pacientët me një peshë të ulët ose pacientët me probleme në veshka. Kohëzgjatja e trajtimit me Avacy*n* varet nga tipi i infeksionit që keni.

- Përveç rasteve kur mjeku ju thotë ndryshe, trajtimi juaj do të jetë si në vazhdim:
- për infeksione të papritur (përkeqësimit akut) të bronkitit kronik, 5-10 ditë;
- për infeksione të mushkërive (pneumoni), përveç pneumonisë që fillon gjatë një qëndrimi në spital, 10 ditë;
- për infeksione akute të sinuseve (sinuzit bakterial akut), 7 ditë;
- për infeksione të lehta deri në të moderuara të traktit të sipërm gjental tek femrat (sëmundje inflamatore të pelvisit), përfshirë infeksione të tubave të Fallopit dhe infeksione të membranës mukoze të mitrës, 14 ditë.

Kur Avacy*n* tableta të veshura me film përdoren për plotësimin e ciklit të terapisë së filluar me Avacy*n* tretësi për perfuzion, kohëzgjatjet e rekomanduara të trajtimit janë:

- infeksione të mushkërive (pneumoni) të marra jashtë spitalit, 7-14 ditë;
- pjesa më e madhe e pacientëve me pneumoni kalojnë në trajtim nga goja me moksifloksacin tableta të veshura me film brenda 4 ditësh.
- infeksione të lëkurës dhe indeve të buta, 7-21 ditë;
- pjesa më e madhe e pacientëve me infeksione të lëkurës dhe indeve të buta kalojnë në trajtim nga goja me moksifloksacin tableta të veshura me film brenda 6 ditëve.

Është e rëndësishme që të përfundoni kohëzgjatjen e trajtimit edhe nëse filloni që të ndiheni më mirë pas disa ditësh. Nëse ndërprini marrjen e Avacy*n* më shpejt, infeksioni juaj mund të mos kurohet plotësisht. Ai mund të rikthehet dhe gjendja juaj mund të përkeqësohet.

Bakteret që shkaktojnë infeksinin mund të bëhen rezistente ndaj Avacy*n*. Doza e rekomanduar dhe kohëzgjatja e trajtimit duhet të ndiqen rigorozisht.

#### Në qoftë se merrni më shumë Avacy*n*

Në qoftë se merrni më shumë se një tabletë në ditë që ju është përkshruar, kërkoni ndihmë mjekësore të menjëhershme. Mundohuni që të merrni çdo tabletë të ngulur, pakëtimin ose këtë fletudhëzues me vete që t'i tregoni mjekut ose farmacistit çfarë keni marrë.

#### Në qoftë se harroni të merrni Avacy*n*

Në qoftë se harroni të merrni tabletën, duhet ta merrni atë sa më shpejt që të kujtoheni në të njëjtën ditë. Nëse nuk ju kujtohet në të njëjtën ditë, merrni dozën tuaj normale (një tabletë të veshur me film) në ditën në vazhdim. Mos merrni një dozë të dyfishtë për të plotësuar dozën e harruar. Nëse nuk jeni i sigurt për atë që duhet të bëni, pyesni mjekun ose farmacistin tuaj.

#### Në qoftë se ndërprini marrjen e Avacy*n*

Nëse trajtimi me këtë bar ndërpritet shumë shpejt, infeksioni mund të mos kurohet plotësisht. Konsultohuni me mjekun nëse dëshironi të ndërprini trajtimin me Avacy*n* para fundit të trajtimit.

Nëse keni pyetje të mëtejshme mbi përdorimin e këtij bari, pyesni mjekun ose farmacistin tuaj.

#### 4. EFekte anësore të mundshme

Si të gjitha barnat e tjera, moksifloksacin mund të shkaktojë efekte anësore, megjithëse jo çdo kusht i manifeston. Efektet anësore më serioze të vëna re gjatë trajtimit me moksifloksacin janë të renditura më poshtë.

Nëse ndodhin situatat e mëposhtme, **ndaloni marrjen e Avacy*n* dhe lajmëroni menjëherë mjekun tuaj, sepse mund të keni nevojë për këshilla mjekësore urgjente**:

- një ritëm i shpejtë dhe jonormal i zemrës (efekt anësor i rallë);
- ndiheni në mënyrë të papritur ju mirë ose vini re zverdhje të pjesës së bardhë të syrit, urinë me ngjyrë të errët, kruarje të lëkurës, një tendencë për gjakrrjedhje ose shqetësime të të menduarit ose të gjendjes zgjuar (këto mund të jenë shenja dhe simptoma të një inflamacioni fulminant të mëlçisë të cilat potencialisht të çojnë në pamjaftueshmëri të funksionit të mëlçisë kërcënuese për jetën (efekt anësor shumë i rallë, janë vënë re raste fatale);
- skuqeje të rënda të lëkurës duke përfshirë sindromën Stevens-Johnson dhe nekrolizën toksike epidermale. Këto mund të shfaqen si makula të kuqërremta ose njolla rrethore, shpesh me fluska në mes, të lokalizura në trup, rrjepje të lëkurës, ulcerat të gojës, fytit, hundës, organeve gjentale dhe syve dhe mund të paraprihen nga ethe dhe simptoma të ngjashme me gripin (efekte anësore shumë të ralla, madje edhe kërcënuese për jetën);
- skuqeje me luspë e përhapur me gjendra nën lëkurë dhe fluska të shoqëruara me ethe që në fillim të trajtimit (pustulozë ekzantematозe e gjeneralizuar akute) (frekuenca e këtij efekti është e panjohur);
- sindroma e shoqëruar me ekskrimet të dëmtuar të ujit dhe nivele të ulëta të natriumit (SIADH) (efekt anësor shumë i rallë);
- humbje të vetëdijes për shkak të uljes së madhe të nivelit të sheqerit në gjak (komë hipoglikemike) (efekt anësor shumë i rallë);
- inflamacion i enëve të gjakut (shenjat mund të jenë: pika të kuqe në lëkurë, zakonisht në pjesën e poshtme të këmbëve ose efekte si: dhimbje e artikulacioneve) (efekte anësore shumë të ralla)
- një reaksion alergjik i rëndë, i papritur, i gjeneralizuar, që përfshin në raste shumë të ralla një shok kërcënues për jetën (p.sh. vështirësi në frymëmarrje, rënie të presionit të gjakut, puls të shpejtë) (efekt anësor i rallë);
- enjtje, përfshirë: enjtje e rugëve të frymëmarrjes (efekt anësor i rallë, potencialisht kërcënues për jetën);
- konvulsione (efekt anësor i rallë);
- shqetësime të lidhura me sistemin nervor si: dhimbje, djegie, ndjesi shpimi dhe mpirje dhe / ose dobësi të gjymtyrëve (efekt anësor i rallë);
- depresion (në raste shumë të ralla çon në dëmtim të vetvetes, si planifikim / mendim për vetëvrasje) (efekt anësor shumë i rallë);
- diarre e rëndë, me gjak dhe /ose mukus (kolit i shkaktuar nga antibiotiku p.sh. kolit pseudomembranoz), i cili është një rrethanë shumë e rallë që mund të kalojë në komplikacione që janë kërcënuese për jetën (efekte anësore të ralla);
- enjtje dhe dhimbje të tendineve (tendiniti) (efekt anësor i rallë) ose një rakturë tendini (efekt anësor i rallë);

- dobësi, ndjeshmëri ose dhimbje muskulore dhe veçanërisht nëse në të njëjtën kohë nuk ndiheni mirë, keni temperaturë të lartë ose keni urinë të errët. Kjo gjendje mund të shkaktohet nga një dëmtim muskular, e cila mund të jetë kërcënuese për jetën dhe të shkaktojë probleme edhe me veshkat (një gjendje e quajtur rabdomiolizë) (frekuenca e këtij efekti anësor është e panjohur).

Përveç kësaj, nëse vini re:

- humbje të përkohshme të shikimit (efekt anësor shumë i rallë), kontaktoni menjëherë me një mjek okulist.

Nëse keni përjetuar të rrahura të çrregullta të zemrës kërcënuese për jetën (Torsade de Pointes) ose ndalim të të rrahurave të zemrës ndërkohë që merrni Avacy*n* (efekte anësore shumë të ralla), njoftoni menjëherë mjekun që ju ka në trajtim që keni marrë Avacy*n* dhe mos e rifilloni trajtimin. Një përkeqësim i simptomave të miaestenia gravis është vënë re në raste shumë të ralla. Nëse kjo ndodh, këshillohuni menjëherë me mjekun tuaj. Nëse vuani nga diabeti dhe vini re që niveli i sheqerit në gjak ulët ose rritet (efekt anësor i rallë ose shumë i rallë), informoni mjekun tuaj. Nëse jeni i moshuar me probleme ekzistuese në veshka dhe vini re rënie të prodhimit të urinës, enjtje të këmbëve ose kyçeve, lodhje, nauze, përgjumje, gëlqim ose konfuzion (këto mund të jenë shenja dhe simptoma të pamjaftueshmërisë kardiae, ose efekte të ralla anësore), njoftoni mjekun tuaj. Efekte të tjera anësore që janë vënë re gjatë trajtimit me moksifloksacin janë renditur më poshtë në bazë të shpeshtësisë së tyre.

#### Të zakonshme (mund të prekin deri në 1 në 10 persona):

nauze, diarre, marrje mendsh